
FRÉTTATILKYNNING

28. júlí 2010

Marel kynnir afkomu annars ársfjórðungs 2010

Sterk pantanastaða og góð afkoma

- Tekjur á öðrum ársfjórðungi 2010 námu 136,1 milljónum evra, sem er 26,9% aukning miðað við tekjur af kjarnastarfsemi á sama tímabil fyrir ári [Q2 2009: 107,2 milljónir evra]. Aukningin nemur 3,1% samanborið við heildartekjur [Q2 2009: 132,0 milljónir evra].¹
- EBITDA, leiðrétt fyrir einskiptiskostnaði, var 21,1 milljónir evra, sem er 15,5% af tekjum [Q2 2009: 12,1 milljónir evra af kjarnastarfsemi]. Heildar EBITDA var 13,6 milljónir evra, sem er 10% af veltu [Q2 2009: 28,0 milljónir evra].²
- EBIT, leiðrétt fyrir einskiptiskostnaði, var 15,1 milljónir, sem er 11,1% af tekjum [Q2 2009: 6,5 milljónir evra af kjarnastarfsemi]. Heildar EBIT var 7,6 milljónir evra, eða 5,6% af tekjum [Q2 2009: 21,6 milljónir evra].
- Einskiptiskostnaður vegna greiðslna tengdum lífeyrissjóði Stork, að upphæð 7,6 milljónir evra, er innifalinn í samstæðureikningi fyrir annan ársfjórðung 2010.
- Hagnaður af heildarstarfsemi eftir skatta var 0,1 milljónir evra á öðrum ársfjórðungi 2010 [Q2 2009: 17,3 milljónir evra].
- Sjóðstremi er sterkt og nettó vaxtaberandi skuldir eru 284,1 milljónir evra í lok annars ársfjórðungs 2010 [Q2 2009: 349,4 milljónir evra].
- Pantanabók styrkist áfram í takt við batnandi markaðsaðstæður og er 125,3 milljónir evra í lok fjórðungsins [Q2 2009: 76,1 milljónir evra].

Ársfjórðungurinn var góður hjá Marel. Tekjur af kjarnastarfsemi námu 136,1 milljónum evra, sem er 5,6% aukning samanborið við ársfjórðunginn á undan og 26,9% aukning miðað við sama tímabil fyrir ári. Annan ársfjórðunginn í röð náði fyrirtækið langtíma EBIT markmiði sínu sem er 10-12% af tekjum. Búist er við að sumarleyfistíminn, þegar venjulega er minna um viðskipti en á öðrum árstínum, setji mark sitt á afkomu þriðja ársfjórðungs. Engu að síður reiknar Marel fyllilega með að ná EBIT markmiði sínu um 10-12% af veltu fyrir árið í heild.

Helstu niðurstöður fyrir fyrstu sex mánuði ársins 2010

- Tekjur af kjarnastarfsemi námu 264,9 milljónir evra á fyrri hluta árs [1H 2009: 210,4 milljónir evra]. Heildartekjur námu 283,2 milljónum evra [1H 2009: 262,3 milljónir evra].

¹ Sölu helstu eigna félagsins utan kjarnastarfsemi var lokið á fyrsta ársfjórðungi 2010 sem gerði Marel kleift að einbeita sér alfarið að kjarnastarfsemi. Þegar afkoma annars ársfjórðungs er borin saman við sama tímabil fyrir ári er þess vegna gagnlegra að miða við afkому af kjarnastarfsemi en heildarafkomu. Innifalinn í heildarafkomutölum annars ársfjórðungs 2009 er hagnaður af fyrri sölu eigna utan kjarnastarfsemi að fjárhæð 16 milljónum evra.

² Einskiptisgreiðslur vegna skuldbindinga við lífeyrissjóð Stork eru að fullu taldar með í heildarafkomutölum annars ársfjórðungs 2010 en eru ekki taldar með í leiðréttum tölum til að auðvelda samanburð við afkому af kjarnastarfsemi árið 2009. (Fjallað er nánar um skuldbindingarnar við lífeyrissjóð Stork í kaflanum „Helstu atburðir á tímabilinu“.)

- Rekstrarhagnaður (EBIT) af kjarnastarfsemi nam 30,3 milljónum evra á fyrri hluta árs [1H 2009: 4,8 milljónir evra]. Heildar EBIT var 23,5 milljónir evra [1H 2009: 15,8 milljónir evra].
- Hagnaður af heildarstarfsemi nam 5,7 milljónum evra á fyrri hluta árs [1H 2009: 10,4 milljónir evra].

Theo Hoen, forstjóri:

„Við erum mjög ánægð með að hafa náð langtíma markmiði okkar um hagnað af sölu upp á 10-12% annan ársfjórðunginn í röð. Árangurinn má þakka stífu kostnaðaraðhaldi og sterki stöðu fyrirtækisins við batnandi markaðsaðstæður. Við höfum þá trú að hægt sé að viðhalda þessari afkomu og byggja á henni sem grunnviðmið fyrir frekari vöxt í framtíðinni. Sú áskorun sem við stöndum frammi fyrir nú er að styrkja enn frekar stöðu okkar sem markaðsleiðtogi samtímis því að bæta arðsemi rekstrarins. Undirliggjandi eftirspurn í matvælaiðnaðinum eykst, sem og vélvæðing í þróunarlöndum, þ.á.m. í Kína. Auk þess njótum við góðs af því að hafa ekki dregið úr fjárfestingu í nýsköpun á meðan á kreppunni stóð.“

Það eru mörg vörupróunarverkefni í bígerð hjá okkur og ég er stoltur af þeim árangri sem nýjustu vörur okkar hafa skilað, þar á meðal StreamLine, RevoPortioner og SensorX. Frammistaða SensorX hópsins er sérstaklega gott dæmi um þá framúrskarandi samvinnu sem vöruhóparnir okkar byggja á. Að auki er alveg ljóst að nýjar sambættar lausnir sem sameina þá tækni sem rekstrareiningar okkar hafa þróað eru viðskiptavinum okkar mjög til hagsbóta; sala þessara kerfa á sinn þátt í afkomutölum fjórðungsins. Ég tel að við séum á góðri leið með að skapa sterkt og traust fyrirtæki sem muni gegna lykilhlutverki í próteingeira matvælaiðnaðarins til lengri tíma lítið.“

Góð pantanabók

Markaðsvirkni heldur áfram að aukast á öllum sviðum með kjúklingaiðnaðinn í fararbroddi. Pantanabók hefur að sama skapi vaxið og er nú góð. Stærri pöntunum heldur áfram að fjölga jafnt og þétt. Nýjar pantanir námu 149,4 milljónum evra á öðrum ársfjórðungi 2010 samanborið við 126,8 milljónir evra á sama tíma fyrir ári, og eru tekjur af þjónustu taldar með. Þetta er sjötti ársfjórðungurinn í röð sem nýjar pantanir eru umfram afgreiddar pantanir. Fyrir vikið hefur tækjapantanabókin styrkt jafnt og þétt og var hún 125,3 milljónir evra í lok annars ársfjórðungs 2010 samanborið við 76,1 milljónir evra á sama tíma fyrir ári.

Traust sjóðstreymi og lægri skuldir

Sjóðstreymi er áfram traust og nemur 19,0 milljónum evra fyrir vexti og skatta. Efnahagsreikningurinn er sterkur og eru nettó skuldir 284,1 milljónir evra samanborið við 349,4 milljónir evra fyrir ári síðan. Nettó skuldir lækkuðu lítillega þrátt fyrir óhagstæð gengisáhrif, greiðslu skuldbindinga vegna lífeyrissjóðs Stork og þá staðreynð að vöxtur er í starfsemi fyrirtækisins.

Afkoma annars ársfjórðungs 2010

Rekstur annars ársfjórðungs – helstu tölur í þúsundum evra

Rekstrarreikningur

Kjarnastarfsemi, leiðrétt fyrir einskiptiskostnaði	Q2 2010	YTD 2010	Q2 2009	YTD 2009
Tekjur	136.055	264.930	107.208	210.382
Framlegð	54.968	106.008	42.624	76.723
<i>Framlegð sem hlutfall af sölu</i>	<i>40,4%</i>	<i>40,0%</i>	<i>39,8%</i>	<i>36,5%</i>
Aðrar rekstrartekjur (kostnaður)	(114)	(539)	(324)	(277)
<i>Aðrar rekstrartekjur (kostnaður) sem hlutfall af sölu</i>	<i>0,1%</i>	<i>0,2%</i>	<i>0,3%</i>	<i>0,1%</i>
Sölu-, stjórnunar- og almennur kostnaður	(30.861)	(58.200)	(29.509)	(61.040)
<i>SG&A kostnaður sem hlutfall af sölu</i>	<i>22,7%</i>	<i>22,0%</i>	<i>27,5%</i>	<i>29,0%</i>

Rannsóknar- og þróunarkostnaður	(8.837)	(16.995)	(6.296)	(14.131)
<i>Rannsóknar- og þróunarkostnaður sem hlutfall af sölu</i>	<i>6,5%</i>	<i>6,4%</i>	<i>5,9%</i>	<i>6,7%</i>
Rekstrarhagnaður (EBIT)	15.155	30.275	6.496	4.776
<i>EBIT sem hlutfall af sölu</i>	<i>11,1%</i>	<i>11,4%</i>	<i>6,1%</i>	<i>2,3%</i>
EBITDA	21.147	42.017	12.192	16.083
<i>EBITDA sem hlutfall af sölu</i>	<i>15,5%</i>	<i>15,9%</i>	<i>11,4%</i>	<i>7,6%</i>
Nýjar pantanir	1)	149.391	284.419	126.759
Pantanabók			125.321	222.211
				76.086

1) Þjónustutekjur meðtaldar.

Á samstæðugrunni	Q2	YTD	Q2	YTD
	2010	2010	2009	2009
Sjóðstreymi				
Sjóðstreymi frá rekstri fyrir vexti og skatt	18.996	57.841	16.964	40.599
Handbært fé frá rekstri	10.579	41.630	8.191	19.604
Fjárfestingar	(4.346)	(6.297)	26.801	20.572
Fjármögnun	(8.091)	(26.866)	(7.276)	(759)
Nettó sjóðstreymi	(1.859)	8.467	27.716	39.417

Efnahagur

Nettó skuldir	284.058	349.412
Veltufé	2)	77.875

2) Viðskiptakröfur, birgðir, verk í vinnslu og lánadrottnar.

Kennitölur

Veltufjárlutfall	1,6	1,5
Lausafjárlutfall	1,3	1,1
Fjöldi útistandandi hluta	727.136	603.305
Markaðsvirði hlutafjár í milljónum evra m.v. gengi í lok tímabils	355,2	178,4
Arðsemi eiginfjár	3,5%	7,0%
Hagnaður per hlut í evru sentum	0,79	1,79

Helstu atburðir á tímabilinu

Sambætting

Áfram er lögð mikil áhersla á sambættingu Marel og Stork Food Systems í „eitt fyrirtæki“. Innleiðing á nýju skipulagi sem kynnt var 2009 heldur áfram og er verið að skilgreina nánar hlutverk helstu skipulagseininga fyrirtækisins en þær eru: Fjögur ný iðnaðarsetur sem komið var á fót í þeim fjórum greinum matvælaiðnaðarsins sem Marel sérhæfir sig í, þ.e. vinnslu á fiski, kjöti og kjúklingi, og frekari vinnslu; vörusetur sem annast þróun vara sem nýtast í fleiri en einni grein; og alþjóðlegt sölu- og þjónustunet fyrirtækisins.

Sérstaklega er sambættingarferlið farið að skila árangri á svíði nýsköpunar. Nýjar sambættar lausnir sem sameina þá tækni sem hinari ýmsar rekstrareiningar samstæðunnar hafa þróað eru farnar að skila viðskiptavinum verulega auknum ávinnungi. Gott dæmi er nýleg lausn sem sameinar Marel SensorX beinleitar- og Stork FHF úrbeiningarkerfi. Á þessu ári hefur Marel kynnt nýjar sambættar vörur á öllum helstu

vörusýningum iðnaðarins, þ.á.m. IPE Atlanta og VIV Utrecht (kjúklingur), SPE Brussel (fiskur) og IFFA Frankfurt (kjöt og frekari vinnsla). Þessar nýju vörur eru þegar farnar að skila sölutekjum á þessum ársfjórðungi.

Sambætting sölu- og þjónustustarfseminnar heldur áfram og mun smám saman fara að skila sér í afkomutölum fyrirtækisins. Ýmis önnur verkefni sem miða að því að auka skilvirkni starfseminnar eru einnig farin að skila árangri, þ.á.m. á sviði innkaupa, upplýsingatækni, framleiðslu og stjórnunarkostnaðar.

Kostnaðaraðhald

Marel leggur áfram ríka áherslu á kostnaðaraðhald og hagræðingu. Er nú unnið að því tryggja að sú lækkun á kostnaðargrunni félagsins sem náðst hefur á undanförnum ársfjórðungum verði varanleg.³

Sjóðstreymi

Sjóðstreymi var jákvætt um 19,0 milljónir evra á öðrum ársfjórðungi, fyrir vexti og skatta. Á heildina litið verður lítil fjárfestingarþörf hjá fyrirtækinu á næstu árum.

Aðgerðir til að draga úr veltufé héldu áfram að skila árangri og er markmiðið að halda veltufé stöðugu þrátt fyrir vöxt í starfsemi fyrirtækisins. Þar sem fjárfestingar hafa verið í lágmarki hefur mismunur afskrifta og fjárfestinga haft jákvæð áhrif á sjóðstreymi.

Fjármögnun

Núverandi lausafjárstaða er góð og nemur 81 milljónum evra. Fyrirtækið er vel í stakk búið til að takast á við það markaðsumhverfi sem nú ríkir.

Talsverður hluti lána og skuldabréfa Marel er á gjalddaga í lok árs 2011. Fyrirtækið hefur náð árangri í að auka EBITDA og lækka skuldir og hefur þar af leiðandi þegar hafist handa við að greina þá kosti sem standa til boða hvað varðar nýja, stöðugri og hagkvæmari fjármögnun fyrir samstæðuna til lengri tíma litið.

Lífeyrissjóðsmál

Í maí 2008 keypti Marel hollenska fyrirtækið Stork Food Systems og eins og áður hefur komið fram er verið að sameina fyrirtækin í eitt fyrirtæki undir Marel nafninu. Hluti starfsmanna fyrirtækisins eru enn meðlimir í lífeyrissjóði Stork og hefur Marel því skuldbindingar gagnvart sjóðnum. Í lok árs 2008 var hlutfall eigna sjóðsins á móti skuldbindingum undir því lágmarkshlutfalli sem kveðið er á um í lögum en það er 104,5%. Hollenski seðlabankinn fór þar af leiðandi fram á að sjóðurinn legði fram áætlun um hvernig úr yrði bætt árið 2009. Í kjölfarið hefur Marel samþykkt að borga aukagjald að upphæð 8 milljónir evra sem greiðist á þriggja ára tímabili (4 milljónir evra árið 2009, tvær milljónir evra árið 2010 og aðrar tvær milljónir 2011); 0,4 milljónir evra af þeirra upphæð voru þegar greiddar árið 2009. Heildarkostnaður af þessum skuldbindingum er skráður sem annar rekstrarkostnaður í samstæðureikningi annars ársfjórðungs 2010.

Rekstrarumhverfi

Kjarnastarfsemi Marel beinist að fjórum undирgreinum matvælaiðnaðarins: Vinnslu á fiski, kjöti og kjúklingi, og frekari vinnslu.

Kjúklingur: Fjöldi pantana á ársfjórðungnum var vel yfir áætlunum. Í Bandaríkjunum barst talsverður fjöldi pantana á vinnslukerfum og SensorX beinleitarkerfum frá stórum viðskiptavinum. Aukna sölu á frumvinnslukerfum má rekja beint til breytinga á sölu- og markaðssstarfseminni í Bandaríkjunum og samþættingu söluteymisins í upphafi árs. Þá hefur Stork Poultry Processing iðnaðarsetur fyrirtækisins aukið markaðshlutdeild sína í Suður-Ameríku, Vestur-Evrópu og Asíu á fjórðungnum. Í Tyrklandi barst stór þöntun á heildarvinnslukerfi sem byggist á nýjustu samþættu lausnunum frá Marel og Stork. Horfur út árið eru góðar í ljósi fjölgunar pantana.

³ Í heild lækkaði rekstrarkostnaður á árinu 2009 um 25 milljónir evra á ársgrundvelli.

Fiskur: Horfur í fiskiðnaði eru áfram góðar, sérstaklega í laxi og fiskeldi. Í apríl tók Marel þátt í hinni árlegu Seafood Processing Europe (SPE) sýningu í Brussel og sá fjöldi sölutækifæra sem sýningin gaf af sér var skýr vísbending um mikinn áhuga viðskiptavina á því breiða vöruúvali sem Marel býður fyrir vinnslu á fiski. Á sýningunni í ár kynnti Marel í fyrsta skipti Townsend Further Processing vörulínuna sem lýtur að frekari vinnslu á fiski. Vöruúval Marel spannar nú nánast alla virðiskeðjuna, allt frá móttöku hráefnis til pökkunar á endanlegri afurð. Á öðrum sviðum má geta þess að aukin áhersla á notkun fisks sem veiddur er með sjálfbærum hætti er þegar farin að skapa fjölda tækifæra og er búist við að hún hafi enn viðtækari áhrif í framtíðinni.

Kjöt: Vinsældir ódýrarí próteina aukast enn og er mest virkni á Evrópumarkaði eins og áður. Eins og búist var við eru vísbendingar um aukna virkni í Ástralasíu. Í maí tók Marel þátt í IFFA sýningunni, stærstu kjötvinnslusýningu heims sem haldin er á þriggja ára fresti í Frankfurt. Marel kynnti þar mikið úrvall nýrra tækja og kerfa sem markaðssett eru undir vörumerkjum Marel, Townsend og Stork. Þar varð ljóst að Marel er í dag í fararbroddi í þróun og markaðssetningu á tækjabúnaði og þjónustu við kjötframleiðendur. Marel básinn vakti mikla athygli og dró að sér mikinn fjölda gesta. Fjöldi sölutækifæra skapaðist á sýningunni og eru sölulið félagsins um allan heim nú að fylgja þeim eftir.

Frekari vinnsla: Á heildina litið var ársfjórðungurinn mikilvægur fyrir Marel á sviði frekari vinnslu. Vöruframboð fyrirtækisins á þessu sviði er nú markaðssett undir nýju vörumerki, Townsend Further Processing, og var það kynnt í fyrsta skipti á IFFA sýningunni í Frankfurt í maí. Nokkrar nýjungar í skurðarvélum og pylsugerð voru kynntar á sýningunni, þ.á.m. tvær útgáfur af RevoPortioner vélinni (minni og stærri). Pantanir á stærri gerðinni hafa þegar borist frá kjötvinnslufyrirtækjum í Evrópu og Bandaríkjunum. Áhugi á pylsugerðarbúnaði hefur einnig aukist.

Viðskiptavinur í nærmynd – Şenpiliç, Tyrklandi: Şenpiliç er eitt stærsta kjúklingavinnslufyrirtækið í Tyrklandi og spannar starfsemi þess allt framleiðsluferlið. Fyrirtækið þjónar bæði heimamarkaði og alþjóðlegum mörkuðum, þ.á.m. Miðausturlöndum. Fyrirtækið byggir á langri hefð og leggur ráka áherslu á vörugæði, nýsköpun og vöxt. Şenpiliç er fyrirtaksdæmi um nútímalegt tyrkneskt fjölskyldufyrirtæki sem hefur alla burði til að standast evrópskar gæðakröfur.

Í ljósi áherslu á vöxt og aukin gæði ákvað Şenpiliç að kaupa aðra afkastamikla vinnslulínu frá Marel til viðbótar við eina sem fyrir var og var það Stork Poultry Processing iðnaðarsetur fyrirtækisins sem útvegaði hana. Afkastageta línumnar er 12.000 fuglar á klukkustund og sker hún þá í hluta sem eru pakkaðir og seldir í mismunandi samsetningum eða unnir áfram á annarri línu frá Marel, úr Townsend Further Processing vörulínunni. Naggar, borgarar og schnitzel eru á meðal þeirra vara sem þessi lína framleiðir til handa skyndibitastöðum, skólum og smásöllum.

„Hvítkjötsiðnaðurinn í Tyrklandi hefur þróast mikið á síðustu 20 árum,“ segir Haşim Gürdamar, forstjóri Şenpiliç. „Kjúklingur var áður seldur sem nafnlaus almenn vara en í dag leita neytendur eftir ákveðnum vörumerkjum og vilja fá vörur sem eru skornar og unnar áfram. Til að geta uppfyllt þessar kröfur og stöðugt betrumbætt vörur okkar þurfum við á réttu tækjunum og góðu upplýsingastreymi að halda. Stork Poultry Processing hefur verið ráðgjafi okkar á þessu sviði í 20 ár. Í upphafi var afkastageten hjá okkur 2.000 fuglar á klukkustund en eftir sex mánuði verðum við komin upp í 30.000. Markmið okkar er að halda áfram að auka afköstin og að byggja ávallt á fullkomnustu tækni sem völ er á.“

Horfur

Markaðsaðstæður halda áfram að batna jafnt og þétt. Við reiknum með að Marel muni fá sinn hlut af þeim vexti sem framundan er í greininni, og munu tekjur aukast í samræmi við það. Engu að síður má gera ráð fyrir að afkoman verði breytileg milli ársfjórðunga vegna sveiflna í fjölda pantana og tímasetningu stærri verkefna.

Kynningarfundur 29. júlí 2010

Marel boðar til kynningarfundar um afkomu félagsins fimmtudaginn 29. júlí kl. 8:30 í húsnæði félagsins að Austurhrauni 9, Garðabær. Fundinum verður netvarpað: www.marel.com/webcast

Birtingardagar fyrir reikningsárið 2010 og aðalfundur 2011

Birtingardagar fyrir reikningsárið 2010:

- | | |
|-------------------------|------------------|
| ▪ 3. ársfjórðungur 2010 | 27. október 2010 |
| ▪ 4. ársfjórðungur 2010 | 2. febrúar 2011 |

Aðalfundur Marel hf.

2. mars 2011

Frekari upplýsingar veita:

Erik Kaman, fjármálastjóri. Sími: 563-8072

Sigsteinn Grétarsson, forstjóri Marel ehf. Sími: 563-8072

Um Marel

Marel er í hópi stærstu útflutningsfyrirtækja Íslands og er í fararbroddi á heimsvísu í þróun og framleiðslu á háþróuðum búnaði og kerfum til vinnslu á fiski, kjöti og kjúklingi. Hjá fyrirtækinu starfa um 3.500 manns um allan heim og starfrækir það skrifstofur og dótturfyrirtæki í meira en 30 löndum, auk 100 umboðsmanna og dreifingaraðila.